

程

新編事文類聚翰墨全書卷之三

釋教門 文類

書

與慧林廣惠禪師

東坡

經年不奉法音經術荒蕪無與鋤治者忽領手教累幅稍覺洒然仍審比來起居法勝行役二年水陸萬里近方弛擔老病不復往日而都下人事十倍於前吁可畏也復望如去年相對溪上聞八萬四千偈豈可得哉南望山門臨書悽斷苦寒為衆自重不宣

又

東坡

東林寺獲結緣三寶稍除業障又得託名大士皆所深願但自別後公私百冗近又絕無頃刻閑不敢草下筆專在下懷惟少寬限也悚息悚息

與雪齋上人

東坡

示喻臂痛示與衆生同病耳然俗眼未免懸情更望倍加保練
王氏傳濟方中二冊有一虎骨散威靈仙丸此仙方也僕爰用
治臂病其効如神切望合喫元用虎胆設寫作腦骨切望相信
便合服必効必効自餘都下有幹望示及惠貺各茶謹已捧領
感刻

與雪齋言上人

東坡

去歲吳興倉卒為別至今耿耿適居窮陋往還斷盡遠辱不遺
尺書見及感抃殊深比日法体佳勝札翰愈精健詩必稱是不
蒙寄示何也雪齋清景發此夢想此間但有荒山大江脩竹古
木每飲村酒醉後曳杖放脚不知遠近曠然天真與武林舊游
未易優劣也何時會合一笑推萬自愛

與金山宝覺

東坡

去歲赴官迫於程限不能挂舟一別中流縱望雲山杳然有不

可及之歎既渡江遂蒙輕舟見餞復得笑語一餉之樂博荷之
懷殆不可勝言別來因循未及奉書專人至厚教累幅慰喻反
復讀之爽然如對妙論仍審比來法復佳勝其比粗遣但未有
會見之期臨紙惘然推萬自重至遊堂記即當下筆迹中寄
去近有後杞菊賦一首寫寄以當一笑人还州草

與大覺禪師

東坡

人至厚書伏承法候安裕傾向傾向昨奉聞欲捨禪月羅漢像
但先君愛此畫私心以為捨施莫如捨所甚愛而先君所與厚
善者莫如公以此畫願以靈異累有所資於夢寐不欲盡談嫌
涉怪耳以此益不欲俗家取葺意止如此而來書乃見疑欲換
金水羅漢開書不齊失笑近由土風薄惡動有可疑不謂世外
之人猶復尔也請勿復談此某此之人可令齋矣兵卒之類又
不足分付告吾師差一謹幹小師齋籠仗來迎取并古佛一軸
亦同捨也錢塘景物樂之忘歸舍弟今自陳州得替當發東南

幕官冬初恐到此亦未甚的也詩筆計益老健或借得數首一
觀良幸到此亦有拙無百十首閒暇當錄寄冗中不一近不
復如往日愛書畫閑物蓋衰老事一寡棕公猶以往日之意見
期也慎勿見示他畫雜物之類

與參寥大師

東坡

別來思企不可言每至道遙堂未嘗不悵然也為書勤二不忘
如此仍審比來法体康佳感服兼至二詩皆清妙讀之不釋手
且和一篇為答所要真贊尚未作來人不敢久留甚愧甚愧知
且伴大虛為湯泉之遊甚善甚善其開春乞江浙一郡候見去
留當以書奉約也要墨約兩笏皆佳品也餘推為法自重適有
數客遠來相看陪從少暇奉啟不盡意

又

東坡

去歲倉卒離湖亦以不一別大虛參寥為恨留語与僧官不識
能道否到黃已半年朋游希少思念二公不忘心願且無便故

不奉書遠承差入致問殷勤累幅所以開論獎勉者至矣僕罪
大責輕適居以來杜門念咎而已雖平生親識亦斷往还理固
宜尔而釋老數公乃復千里致問情義之厚有加於平日以此
知道德高風果在世外也見寄數詩及近編得帙詳味洒然如
接清顏聽軟語也比已焚筆硯斷作詩故無緣屬和然時復一
開以慰孤寂幸甚幸甚筆力愈老健清熟過於向之所見此於
至道初不相妨何為廢之耶當更摩挲以追配彭澤未間推万
万自愛

谷清長老

山谷

頰首太平和尚几下辱贈書累紙海論曲折相望万里如奉巾
拂開慰无量比道昌於瀟皖之間固自有數亦聞禪子奔奏窺
室無所得而去者宜其謂太平把定封疆者古人所謂江湖无
礙人之心者也道入自謂已得无得之得而疑宗師把定不放
過此前一大事因緣諸佛謂出世者不肖者居黔戎四年矣未

嘗有人及此事但竟身閑益自在放縱而不踰矩則向來諸道
友之力為多何時復承承几杖臨書懷仰漸冷千万珍重

與純禪師

山谷

頓首奉別忽十餘日不忘懷仰所乘舟至今未還不審浙流累
日安穩否想才動白鷺林放瓶鉢之地必甚喜也楚人不別和
氏之璧想如夢中逆境鏡裏烟塵也已忘之矣其完尊儆舍略
就緒然猶日用七八人耳知命未有歸音越州却有二人到此
範公聞消息否尊上座來相聚數日方此群吠不欲久留之也
雜寫兩卷封付尊上座去尊忽得船便行奉此妙率

谷賢公座主

山谷

啟辱臨頭勤懇又煩手筆存問感刻感刻喜承登舟瓶鉢安穩
一子剃度之緣誰在當仁心法古人云汝但辨心端辨供若不
如是雖有喙長三尺日誦佛語亦不入人耳也持心如城守口
如瓶必有相應者矣雲山主喜作緣事揚道者是一个出家人

往依之必不失所也宋毅直機警知時別宜事可否往謀之

與崇勝密老

山谷

頃嘗論道人處俗之意公欣然見納恐未極其趣耳如公高明
了了決不同流俗矣憂患百種亦來何鄉要當使虎兕無所措
其瓜角兵无所容其刃耳勢利之交決定能埋沒人人之所畏
故不得不畏清心省事不得已而後應自然寡過矣道人壁立
千仞病在不入俗至於和光同塵又相未折却與其和光同塵
不若壁立千仞

谷佛海瑞公

山谷

將家觸熱到圓通始知東林已有主人方欲作牋問如何遽承
修教何慰如之來早過山門真幸瞻對所將人從多不欲久留
館罷即過益浦謹動手狀

與呂道人

山谷

頓首承齋蔬累年自求佛果初不辭退甚善甚善所寄行道觀

音輒隨作一贊出助頭陀清靜行業孝道者別无奇特只是休
歇貪癡求明眼人識已病者直下拍出直行歸本家鄉更有什
麼事莫信臭秃灰董看因緣求經語此是道眼話此是差別話
誤人入地獄如公前時也洽行甚冗奉書帥帥

谷清隱禪師

山谷

頓首風水淹留幸得對談塵殊慰寂寥二十九日解舟到山下
阻風兩日相望二十里極思茶會願陰慘不敢遣人奉邀尔到
星子便承監院垂訪出先後所惠書荷勤懇并維摩香臺山茗
石刻皆飲併謝嘉貺到城下人事便紛不能如阻風處得閑
作書奉謝良厚早兩寒想道眾庸雍多愛多愛

與雲居教首座

山谷

伏奉禪師七月七日遺書承即以是日新及火滅魔事熾然法
幢摧折入天所共悲仰伏想山中異類悲鳴州木變色凡諸外

護仁賢誰不哀痛聞關維有日恨以世諦束縛不能往同法會

今送香一合并燒香額去幸為告白匆匆万不一陳

谷東林長老度公

山谷

叩頭前年冬開先瑛老自庐山轉寄到所惠書及笈極荷故人
之意田里間既不接人事又多病多故因循不佈書至今惟林
下故人不以書踈數為意勤怠耳冬春來雪寒異常歲不知湖
外如何即日伏想四大輕安道眾安此岑寂否未緣瞻承懷仰
无量偶便作箋極草率

與芝上人

山谷

頓首辱書審秋來道用輕安為慰惠示六偈詞意宏麗可以秀
於程墨之林不孤貴字也中有數字未甚安如美玉之瑕既承
示及輒加琢磨不見罪率易否今并東坡贊及鄙夫所作書一
軸奉呈可刻之圓通蓋模刻者易為功尔尚阻面語謹奉狀

與竟海和尚

不得侍巾拂累年哀毀之餘不能數通書記今者北來被旨待罪於府界不得問訊左右實深懷仰伏承四大遠淨侍僧以勤湯藥不審寢饋何如尚可堪忍留幻說法否瞻望文韞勒手狀

又

某數年在山中究尋疑處忽然照破必是幻法万事休歇方悟十餘年間時蒙教點提撕慈悲无量當以此實相義於无尽衆生界中示本來法以報恩德匏繫于此不得聞所未聞推深瞻仰不審還來寢飯何如伏想齊海澄團挫二圓寂无去來而幻質火風之法必壞又須安排得着所在古人云亦不剃頭不洒澡浴一堆猛火千足万足无根樹子又要千百人擎拳作仕麼三十年魏堂雖八万四千宝塔分收舍利未為分外然把定法堂留此幻法費他十方常住今聚頭種子動念兩成債亦是大寬小急願更於世諦中垂方便千万千万

與達監院

頓首昨齊海和尚光緣尽時意謂必得相見既而到正月寂然亦想在遠方山林中不即知耳去年得圓公書乃知淹屈助華若此寺雖密迹帝城而車馬罕到若完容得亦是講散處但不知衆緣合否尔春暖即日佛事不易因王慧先回附承動靜

又

當日不肖初被謫命万里茫然人不知黔州在何處同王慧先欣然便肯送行意常念留此苦門教誨不前幸佛事但寫得字差淨潔院明或可作供申耳當時亦洞山邦老香岩敷老清人於其能遠來他日欲助渠僧緣試更鞭辟或可作出家人亦可助其初時一念耳其頓首

與參寥大師

子由

別後三承魚書仍以佳篇為贈而未嘗奉答雖見愛亦當見訝矣然實以家私多故衰至此非敢慢也太虛書中具之幸見亮尔承寓高郵精舍彼有寺往還當其為樂即日道躰勝常所

示詩卷愈加精絕但吟詠无已拙詩猶未暇錄奉和篇殊无意思取笑而已因風尚无惜音問千万順時保愛

與雪峰上人

張弥大

咫尺相望尋常畏塵寵復不敢裁興居之間且如仰德之誠未之或置也華嚴想得趣雪山藥苗想益增茂何當領衆偕南俱与文殊獲觀弥勒也一笑其軼遣小舟还家志了此事此又可

與育王大亮禪師

葛叔忱

前經從山中得一笑言頗慰塵勞尋以戰事頻出稍踈問訊勞想可知春寒雨重不審法候何如不宣○向者城東得一夕以奉清論多所開益尋以陰雨遂不成山中之約順流以歸廻望宝刹馳情何已○病衰百事倦怠復泊於塵事中日益昏愚矣何時一侍圓音以開茅室承迂入丈室即推輕通尚冀珍愛○雨後頓涼方思一請法席忽辱來示并贈清詩用謝欽吟不

待親承餘論而滯思已釋矣即日四大安穩旬浹間庶得參奉

與神照大師

李樞密

山价遠來笳角書為祝欣承宴坐之餘道氣充集深慰願企也鄙天泊在宦途却朝市雖一牽手一下足不離法界然而聽松風望秋色与悟空大士揮塵抵掌為禪悅樂不能無滯皇矣勉旃自愛以完瞻仰不宣○重江復山相望數千里惠而好我時獲音教歲律驟改忽為新春山中聚徒教化不易示及放生事在心固久矣雖然未放生而未嘗不放生更少待之珍重珍重

與梵才大士

胥内翰

比兩辱真翰并新吟十餘章開緘且喜旅泊中道用安穩盛制体格冲澹詞句清雅願其淵源盖玉右承書公之流亞也加之声韻平安而时无迂覽之數四不倦甚喜○此於空宗中雖復一餘藝耳然讚嘆佛事道韵物情不可无也知却歸東寺宴处如何寒律初嚴高談未即以副區區之願望也

又

林君復

累日前辱惠長韵詩一章并出示古律詩一集共百餘篇其畧
 年弃去筆墨忽一推省心腑間如未知有詩雅之趣一得上人
 高句之厚良用歎服雖病且慵讀之三四過而不能已然殊喜
 見古調者豈僕向之所尚而或泥於古耶且天台不獨甲於東
 南實為天下之勝千峰乃谷山水重深雲霞遠鳥之清絕高木
 秀草之瓌奇復居其間作高僧能用声詩寫狀其融結之精妙
 以內適我真常之性其為樂可量耶風霜搖落園井加蕪獨坐
 虛齋頗竟岑寂然不飲酒如庫亦復罕睡庶時接清談發佳茗
 以為慰慕也

答雪岩長老

雪岩別須溪時贈白

劉須溪

某半生於聖人語言摘說堅說穿過祖師鼻孔自謂懸同獨似
 眉毛眼睫上猶有此字昨得老和尚一接方知病在此上更疑
 別有結末離方丈猶有敬重佛法之意直待前頭白紙超然打

失一似坑焚不欲再看此後又大字小字揮寫何限此紙定在
 數內不能管得以此奉酬曾語龍濟自見雪岩方得無頓此老
 亦復抵掌第前日老齋猶問臨時一紙安在不知撒向大千界
 內不免開眼便見一見成塵每見又把扶卓子去寫其必得和
 尚一笑未必不道孤負也隔年一念問信且謝只為祥符一句
 道是有約證盟雲林之會凝望到今齋前又問方知也是脫空
 漸歲如癡忽得道供稽首惺然喜審法座清安諸方多護却承
 傳示一二月能來房陵欣喜願望初意與一三方外春遊乘因
 聞此亦得嘉晤第須前寄一句當得奉候不至他有出入違誤
 祥符蓋有須尚能馳致激約雪凍且此道謝不盡多二等世圓
 亮

與開元老

其睽遠響空飛錫之音庭草二綠妙光明中未嘗不往來也即
 辰春事正都共惟範儀後季龍天護持法候動靜多福吾師跌
 坐一龕纖塵不染使這光明宝藏如月在天自恨掩關面壁未

有所悟何當一詣方丈廟談高藤以破孤寂邪其嘗慕淵明入
遠公社昌黎與大顛遊近出坡公亦與參寥子為方外友靖惟
蒙陋安敢企望前輩方一而竹中一滴曹溪水漲起西江十八
雖非吾師孰能辨此草問訊他存向扣更莫大陽宗風為佛
教珍重

答

開元僧

禁宴坐空山白雲為侶日倏焉賢一來竟成杳觀禪關剝啄忽
墮存音開緘宛見喜當何如即辰風雨饒春共審燕勿超然首
靈參禁台候動止多福某祝髮以事浮屠蓋欲超出出間一切
障礙逢掖之士固將恥與為伍豈謂達人大觀知儒釋未分時
初無異理辱與之交幸其竊聞釋道安遠法師休上人輩所与
友者則有謝安石王逸少習鑿齒謝靈運之名流執事好道度
越古人所願扣胸講明便立兼法印與儒並行則辨香之敬非
執事其誰屬謹此以謝來教餘我惠令葆和晉為清時柱石稿

天輩亦須宏庇

与省藏主

雪溪

某來東二年以東岡如望歲月見東岡如見骨肉失東岡如失
手足也下山而不能拜祖道周浪朝而不能往錢江許去留間
何已其哉手帖燈臺至備悉尊意送行序專用拜納畧序十年託
契之意則未也吳門之役願極一人足張吾軍何以多為茲在
之盟其昔未嘗同今未嘗背倘非東岡二人者函名其間亦豈
過而問哉區區之意東岡之所甚知也比寓嚴華小閣茶休客
退晴日一窻盡為己有手寂首僧傳負瞻讀之會意處則欣然
一笑正當笑天時惜東岡不与其之不在左右證明耳近你有十
餘篇欲盡寫去而未暇小詩五七首昨訪坦二師自湖上來訪
索詩一絕云面帶西湖秋水清尋溪深入亂雲層一千七百凌
霄衆不信梅邊有此僧借得樓居當住家一秋強半寓嚴華自
言除却繡書外多在天街看菊花謾發一笑相見未有日有便

即續頁

與堅首座

同前

比者日暮津亭之別不及待扁舟之還而老人計至蒼皇理扁舟欲具幅紙以去計奉告不可也遲留西山之下與瞠然七十之母相向而哭愁來如山推之不去虜福累僕來取江涕別母而東到寺已兼旬問訊起居於諸友竊知桂花時節重來湖上留信宿而行方念訪便奏記而春風一紙居然入手泛沅渡湘此行清甚寒爭向盛勢必為真源小留拾薪煮瀑其恨不能相周旋南嶽諸峯極欲一游而目力與脚力不能相偶留往山日曾說揚送游嶽者云贈君一幅長安紙南嶽山前却長開七十二峰如壁破為子裹了一峰來見雪岩諸公幸似一笑

上方侍即蛟峰

僧無文

比稟臺後為慈親請田事見實堂又留兩日乃絕江省洪氏女兄挑花峰下徘徊玉溪柳塘間二月初方還鄱鋒車促覲髮覓

近詔正人登庸固可為天下國家賀然曠夫貧父母又極為西民惜也度關紫氣已行復輟豈山川鬼神陰留潛尼以遂斯民所大欲邪某伏奉公移以上藍缺住持事俾幸所知敢不循名考實以求無負侍郎主張佛法之意已見之申牘矣明老領鵝湖於大壤極弊之時自廢具丹內和外悅惟恐其不留而翩然引去寺僧申邑三申臺此侍郎曾出公帖留之矣明老去意不可奪托其申懇乃已今之為住山者多跡縫鑽刺深根固蒂惟恐不盡其術若僧若俗又惟恐去之不速於此可以觀明老人品矣侍郎求僧於數百里之外某以妄人應幸不獨有愧侍郎亦愧此心也荒荒眼底求一可人如其意者不可得而況侍郎兩眼空一世乎此所以舍明老外不復他幸也

慶留簡劄

賀受僧綱

其恭審奉師法旨來主僧綱釋氏之不於凡民久矣天道好還

教門大振乃今自為官民不與凡民伍蓋千歲希有也其謹合
瓜為諸山賀

答

其捨素主事黃面老正欲離諸名色相一旦加以網職豈愛頑
者所宜蒙哉每思法華末品所云正為吾教懼有來賀語正不
敢當但留以鎮山門耳

賀僧披剃

其恭審成沙門法坐菩提家新恩受五戒之稱半夜傳三衣之
法歡浮戒牒喜益同袍一領袈裟上身便好問丹霞禪師之話
百尺竿頭進法會當有黑文宰相之稱其輒敢濡毫以慶祝髮

答

其謬為小律寺之參頭設忝恩賜壇之戒牒皆福蔭之所及何
賀語之敢當生龜脫筒僅免山谷之謂伏率捕腦何如昌黎之
言姑拜重塵即容謁謝

賀僧披剃

規春猶淺伏惟禪定之餘龍子八灘作戒休安穩无惱茲承心地
透徹勘破牢關祝髮事圓堂一頂相伏惟贊嘆首座上二根器
入清淨禪自此把茅蓋頭向一峰獨宿當見宗風之大振也其
未由越慶修染以布下忱更祈茂對時序勉修精業以作叢林
之梓匠不宣

答

茲烏落髮未解憂身欠通黃梅老之幾闕安識丹霞子之了悟
只憑檀越強你胡芦喚上禪壇知恩有自歸來山舍報德无窮
賀長老住持

其共審跳出鬧籃之外竭來法筵之中堅起硬脊承當作家
擔子展開大手段運動本分鉗錐但聞脚根點地之時便作鼻
孔撐天之狀溪山讚歎風月和光燭熟水咬生薑具見住持之
意出幽谷迂喬不敢脩慶賀之言

答

某老老大大古古錐之兩
擊管拳頭且道住持甚麼大家做
場難製不知結束如何魏
祖師道場不是老僧坐處正妙福
蔭書拜賀言曾下頂門之
簪敢當紙上之半字藏之方又感
則百千

賀僧受師號

某不聞師論又修許時警至禪房
恨無飛羽即日秋高氣清故
惟法候起居常勝吾師
林宗匠出世度人打破牢關洞無罣
碍比舊法狹實出因恩想
種杖錫之來益闡叢林之誨何時扣
謁及贖啓蒙區一欣林之
情敢以天紙為賀他惟珍重不宣

答

某貪癡無識猥處山林似
做誤恩實踰華袞方勲德薄何以稱
茲重蒙眷私林贊委曲且
夕更圖謁謝以究不傳之妙

賀僧度小師

以無上正法度有緣人示五戒之規是名成佛守三衣之付允屬
當家不盡慈揚喜聞開度何待三生之石上始悟前身使須百
尺之竿頭不妨進步
○一身无寄方法俱空准祖燈之派何可先傳而法室之歸終
當有託尚稽參謁敢拜賀言安得龐公共說大家之話願言陶
令尚同洋社之心

賀檀生日

以大檀那得長壽相五百年一現人謂優曇華第六祖相傳身
是菩提樹雖極頌言之美更據讚歎之私捏土為香且与效南
山之祝變江為酒何當效北海之樽

○重逢初度百感中年我劫翻身未了冰霜之債三生回首空
餘風月之情味珍洒以真觀頌玄機而頓悟吾年尔耳詎同上
古之椿僧臘如何还指當院之樹

賀僧生日

天開瑞処日記來時現世優曇已應金輪而出前身彌勒又圓
宝蓋之光石上三生塵中十地全見知歡喜讚歎因緣佛說隔
云三千未來何限我聞殊勝第一最上无邊

答說先生法記出世因時節當初知過阿誰不是究竟到底定
須还我本來乃聞真竟之言頓失涅槃之想我師生城截斷故
名西域有聖人檀那福慧双修回向南无長壽佛

僧賀人生日

某在我法中有長壽王無量壽佛二生福慧具足双修恭惟檀
那再出出現茲逢夢自謹歡喜作礼而奉頌言

香鑪認面目墮落劫中止屬根塵業緣未了着娘生禪子文記
來時大自在人降与塵接於是令人人生大慙愧歡喜云何專此
布謝

賀僧修造

梵宇新修教誨增重飛天發覺分明堪率之宣布也金珠富貴

華嚴之境是大福德而廣規模公深服如論准增讚歎莫致歡
欣之意輒將供養之誠只就等閑展布作家之手反更從向上
恢弘佛地之心育

答

手燃空拳肩先硬脊守得一箇院子七倒八類費及許多工夫
東撐西拄卒有成立皆以維持過承布施之煩難任褒揚之語
平生辛苦自留斧鑿之痕向後主張尚借棟梁之力喜歡緣重
感愧情深

謝

送物與羅法老

近沐惠信殊慰仰私日聞為宿通魔障尤更拳二漢夏既新白
足四集陞方廣座奉揚宗旨所謂正法眼藏涅槃妙心盡在言
下不能一觀盛事為嫌耳茲蒙委折自源祖流皆當着力上庫
回頂得面真茲弟整及繼有可觀勿我外也山間鬱潤恐需藥
以護法身獨附十隻鐘乳二兩護以馳免知飛錫作到城計雖

東僖入都尚及聚首道別來語

復羅法老送物

昨草二占報未寫久間之懷非山中人來且無從訪使一番風
雨春事半休禪窟在千峰乃綠之表坐斷公案不管東皇之促
駕清樂何可既邪忽奉手教甚慰所思就審領壞行道即日戒
体集福嫩茗為脫尤認勤厚之意蒼頭轉遣俾供家塾洒掃庶
幾川谷撲野之性未渝城市塵瀉之習上下皆全天耳多感多
感姑此道謝尚遲嗣音有諭并勒

謝淨土長老清明送物

趙清曠

其逐物罷遊歸來始卷舊家連夕凡為之飲食寂外者皆不思
而得方知著身佛境界今陪應酬欲分蒲團半席話備然如山
中未能也風雨送春高人坐斷公案乃綠眼自是一種幽致
啼鶻話二初與禪定不相干卻視塵空蒲前想發清察且此布
謝老幼悉訊近狀餘何面承

夏賀小簡活套

其陳息上啓

某師大禪侍者其久闕貢 問一忱願 瞻即日 伏惟

坐大道場四衆歸嚮 戒体清福某恭審

賀傳度小師 吾師灯灯相照愈續愈明夜半嶺頭親傳衣鉢恨

不能為下一轉語作賀耳

賀傳新波制 祝髮事圓宗風益振伏惟賀慶首座堂二頂相入

清淨祥自此把茅蓋頭向孤峯獨宿只此作賀不可思議

賀傳新波制 榮嗣宗風首傳師業伏惟 首座頂峰秀出心

鏡開明斷不負更道傳衣之託深為蒼喜

賀傳新住持 杖錫飛來教門輝煥自此焚香淪茗山色溪聲即

廣長舌清淨身也

賀傳新住持 虎錫飛臨鷲峰增重叢林改觀良竊蒼喜未及言

賀負愧奚文

答新住持 濫居小寺皆出庇廡自顧羸庸不足為叢林負荷乃
蒙褒拂深切感藏

答受師書 兀守山林了無榮辱於分足矣茲雁翼溼實不稱名
受念之隆夔恩踵至顧茲踴躍深切感藏

答受師書 刺身縮服遽命紫衣來自日邊榮出望外乃廣贊語
豈勝感際

答建德詩 不揆凡庸妄建小寺近方工畢皆出庇廡其何力焉
豈足言贊

答建德詩 山門頽弊經藏罕落近荷檀那叶力一新無非庇及
何以贊焉

答建德詩 把茅蓋頭不能塊守鍾稜頽弊牽強一新稱美過情
何克當此

謹此稟 復尚須躬 謝乞自珍重不宣
某和南上復

請召小簡活套

其阻奉

清規修焉許久馳

雲間問如風中幡以今謂合計惟

禪候清勝無惱其效者

披剃請人 行者其濫雁尾落髮暇修小供上答因恩次謝檀越僭
易攀在回賜證明

披剃請人 小師削髮更負薄供攀在證明倘蒙惠然少為衣鉢
之光豈深願望

住持請人 設蒙當路承此禪居自愧凡庸皆出巨庇畧具茶果
攀迎少聽片時清話

賜紫請人 濫沐宸恩加榮章服深慚庸下實出提撕畧具清酌
邀迎切祈垂贊

齋供請人 茲集衆緣須修水陸至日痛散畧具清茶板屈印明

幸無我卻

創寺請人不自揣量妄建小寺仰賴宏庇幸已畢工茶果奉邀證明是幸

創寺請人小刹傾頹不堪幸自妄意重創斲工告成酌水問源皆庇之及畧具小供以叙謝悰

建藏請人近修經藏幸已周圍某日啟建大會安奉三宝聊辦小供敢屈印知

議事請人定慧不生觸事呈碍欲屈雲馭相与指迷倘得园融敢忘所自

還席請人一出許時拖泥帶水方與挂藤解脫輒謀蔬果少集同僚能相從否

倘蒙 光降感幸無窮草此具 申伏希 慈照 某恐悚膜拜

某師堂頤

峇請召小簡活委

某又疎

無住之相常懷不二之思

上足鼎來

墨香隨九寅首

法体勝常共茲審

谷波請請令小師頂相圓成特有清齋之召不勝感激即容趨赴以觀法席之光

谷波請請令小師祝髮受戒淨供之招深荷不棄即當造禪房以聆空論

谷准請請光膺使旨主領名山氣象一新不勝贊歎重蒙慈旨敢不恭承

谷賜茶請誕膺恩命茶服法章正園踞替乃蒙戒食何感如之即容參詣

法筵以奉正教

法筵以奉正教 金刹一新規畫如意自非有大力量安能承此乃召以

清供敢不隨眾以聽潮音

法筵藏請 法寶輪藏已遂圓成具葉輝金琅函耀碧伏承嚴戒

敢不趨參 見聞之方一

無塵何用拂拭亦當趨見為著一語

來命不能莊嚴伏丐 慈悲特垂 下照不宣

某膜拜啟後

某師堂頭

委託小簡活套

某仰侍 法眷輒有小 稟仰瀆 清聽某

倘蒙不外庶成此一段因緣

其人題疏 院中修造堂宇所費不貲長者多善知識欲借回皮

抄化此小庶使功德早遂圓成

委置法器 山門庶事草創法器尚闕雖荷施主捐金未能猝置

其直納去若干所製物色別指具呈幸授巧匠器就敢忘所元

丹青手借重梵音俾神閑之餘特与一掃拜德无量

委置經文 小院輪藏新成經文尚多次闕直金若干納上乞為

收買目錄布在別楮 敬此稟 聞倘荷 垂慈幸甚 某和南上啟

某師大禪

答委託小簡活套

某方仰 德中 片雲飛墜捧讀如對 法音某

答書度牒 承有度牒之喻敢不如戒宝鈔如數領訖灯二相續

宗風益振當頌為吾師賀

答委題疏 承委抄題仰仍不鄙即答一函讚揚善事徧扣察施

檀那却當具報

答書法器 承鑄戒置造法器恰其匠尚留諸寺皆用之其器有

清越之音已令如來數製造畢工自能遠納

答書功德 功德莊嚴亦盛典也承喻敢不如戒已付之匠者令

其精巧繪登圖成即當走納

答書經文 收經之委敢不如戒當為銓擇楷畫佳者他日天花

兩地群石點頭功德非小云耳

姑此奉 復仰祈 圓照 某和南上啓

某師監院

干借小簡活套

某不敢專削仰溷

崇聽就有稟 瀆其

干借法器 前日就某外緣事抽身來歸法器尚留於彼今欲別

赴所請恃愛權借罄鉸用畢即歸納也

干借功德 某外以加持水陸相召欲權借畫功德若干軸為法

席之光諒眷愛必無拒也

干借經文 欲就盛刹權借某經文若干部看誦幸望發至看畢

即歸納也

干借某物 欲就假某物以濟所用倘辱垂慈授之來人不至有

損日晚回納

敬此閑 瀆幸

恕其略

某師大禪

某和南上啓

答干借小簡活套

某仰中伏辱

法音捧讀如對承

答借法器需法器即已援來者拍板門槌逢場作戲何以借為得辱自至幸甚

答借功德尊崗功德軸中諸神環拱有香灯處便可展掛何彼此之物也謹用納去切希視入

答借經文需及其經若干帙作一發付去欽惟爾雅清勝然香誦經靜中所得當不在人下矣

答借法物承借某物但恐不稱用耳已授之來使幸視至或它有所需毋吝煩曉

勿三拜答以付旋風等干

照亮

某師監寺

某悚息上覆

邀致小簡活套

某仰侍

法眷有事少干白幸垂清聽某入事

邀同受戒出家得業天俾同時固大幸也戒壇將啟敬拉偕行

飛錫之餘領悟宗旨

邀同參請守拙空山度日如盲擬拉左右同往某處參請或崗

擊竹之音

邀同結夏暑氣漸祥晴惟結夏之遊正其時也某欲一訪清涼勝境未敢自專敬此拜拉法從還能同此行否

邀同遊山某處名山道場絕俗欲陪杖屨同為塵外之遊抑羅

嵌空不無真樂

敬此咨 尚倘蒙

不外副此翹企幸甚

某和南上啓

某師大禪

峇邀致小簡活套

某方仰

德中 片雲飛墜捧讀如 對某入事

峇邀受戒 同時落髮斯亦夙緣登壇受戒正所願也至期欲整

履登以隨法馭之後

峇邀未請 未請之約過荷不棄即當整觀方包它日稍有寸進

亦出點化之力日夕先告謁見

峇邀結要 伏承結夏之盟亦我素志見邀意厚容頂笠杖人以

隨崇南之步也

峇邀遊山 山有仙則名況孤高明技如煙雲愜軸正當看脚於

巉岩尚也當圖待行以聽禪論

先此敷 峇有懷 謝私他容

待究

某師監寺

某稽首上覆

賀旦生

某茲審 生申今日恭惟驩
慶未遑躬 賀謹課佛經仰
祝 台筭具於別疏以峇
恩休有如 盛德大業當今
第一流人物 靈穹薦休奚
假區々之頌禱也聊見皈依
伏幾 台炤

某院僧某和南申賀

某院住持僧某

右某擬卜某日為行者某

披剃略備小伽上峇

因恩次謝 擅越伏乞

台慈特賜降重證明謹狀

年月日某院住持僧某狀

賀謁疏狀新式

賀旦生

某院住持僧某
今月某日恭遇
某官生申今日祇就齊亮皇寶殿
看誦諸經祝延 台筭謹具于后
開具經文 雜行寫
右伏以疏語仰干
皇靈證明謹疏

年月日某院住持僧某疏

某院住持僧某

右其謹祗候 謝

某官或擅越兼

起居伏候

台旨謹狀

年月日某院住持僧某狀

披剃請人狀

某院住持僧某
右某擬卜某日為行者某
披剃略備小伽上峇
因恩次謝 擅越伏乞
台慈特賜降重證明謹狀
年月日某院住持僧某狀

披剃謝人狀

某院住持僧某
右其謹祗候 謝
某官或擅越兼
起居伏候
台旨謹狀
年月日某院住持僧某狀

狀申院住新

某院住持僧某
右某承奉 使司帖差住持
某院已於某日交割常住事
謹具狀申
某官或擅越伏乞
昭會謹狀
年月 日某院住持僧某狀

式狀門正賀

某院住持僧某
右某謹祇候 賀
某官或擅越伏候
台旨謹狀
年月 日某院住持僧某狀
賀冬狀同

狀題抄隊出

某院住持僧某
右某本院今蒙 某官主盟
鼎建殿廊三門所費浩瀚不
免迎奉 佛像前詣 仙聖
抄化未敢擅便謹具狀申
聞謹狀
年月 日某院住持僧某狀

狀財香僧慰

某院住持僧某
香一炷
茶一煎財緣燭可任意添
右頡狀獻于法卷添
禮拜上
願某公太德禪几伏惟
款各謹狀 年月 日具位僧某狀

封皮以上並用可漏但須用紅綾封狀不用封

弔慰疏狀 封皮可漏見道類宜改易用之
慰人喪文 某竊惟 丈夫某官三金榮養 人子之孝已盡於
此可以自慰竊告 捐抑哀情至無般性泛觀人生如夢幻泡
影如露如電如浮空之雲聚散無定當證透生死一理况吾宗
謂之脫却皮袴方以此為無事人惟 儒家教人極哀慕之情
然其理自有中制 閣下高明不待山野之喋 未繇申 慰
敬誦佛經資助往生別疏併具不勝哀慕伏乞 尊師大德禪

伯奄婦 真寂尚尚惻怛伏惟 追慕何以堪忍
悼情何以堪 小喪云情短不均 兩輪易返齋七屢經伏
新恩方闡聖教忽順圓寂伏惟 法體無惱竊冀 順時自節哀毀以全孝
增楚咽未審迹日 禮小喪云節哀全禮 未由趣 慰謹奉疏不宣謹疏

某師純孝法座
月 日具位姓 某 疏上

谷人感疏 某伏念罪罰所鍾侍奉無感貽禍 師長奄歸寂默
奔此世流追念慈訓不任殞咽師伯叔父亡改云其啓法門周
謝某入修歸寂照逝者日遠追
懇不自勝堪○小師弟姪亡云其啓晚
熟衰微法系淪喪似息亡歿薄祐可知伏蒙 仁慈曲賜慰尚
第劇悲感謹復狀 謝愴慘中喪小喪並改不次謹疏
詹修字云詹挹

其人稱呼

寶壽經疏

某院住持僧某伏為

某官奄辭塵世遽往泉臺用仗良因少資冥福謹於外日白
佛證明看誦秘典敬助 雲游莊嚴淨土謹具經品于后

開具經文 逐行排寫

右件功德仰憑 三寶追助一靈見五蘊之皆空拜摩耶而禮
迦葉悟六通之自在瞻觀音而面弥陀仰惟 台覓特垂 昭
鑒謹疏 年月 日某院住持僧 某疏卷終

新編事文類聚翰墨全書癸集卷之四

釋教門

文類

榜語

中山龍華會開榜

黃在軒

佛住梵率陀天示一生之補敷化彼閻浮提界會二教之同歸
恭惟正編知是我大竟祖無極太極妙有玄中之玄先天後天
本無道外之道靈之寂之渾之淪之玉晨道君肇開經寶紫虛
玄聖不聞人文定于一孰能一之有以異無以異也紅雲頂上
宴三昧之慈光金蓮座中證五明之妙境合三世而並世為衆
生而下生是具天老大明尊之堂以廣湘山無量壽之派一切
天人之歡喜十方世界之皈依瞻此碧環昭武飛來紫霧五百
年之識記有開必先十萬世之道場自今以始枕巾峰而高峙
環帶水以前陳雞足迹連移下六牙之相蛾眉遠聳推尊百獸

之王百勢坦平端倪軒豁天高地迥渺宇表之無窮日吉夜良
動山雲之相慶大啓尔宇實獲我心三十三天現前便是一時
一際這裏最佳嚴旃檀樓閣之我重合冠履袈裟而同會以章
鴻慶以表龍華主人聖化造法城福地永爲佳話若士神通并
妙用大家齊結善緣三寶印明諸天洞鑒

華嚴會門榜

同前

佛經八萬四千卷所最重者大乘我等一切諸眾生以同成於
正覺當來在給孤會上要爲度閻浮世間於此三十二分中所
以五次爲人說若有見聞者凡夫即非凡夫應主清淨心善法
是名善法維今具業所書之字是昔祇樹曾種之根思玄誦兩
徧經良以所生之業姚持造一百部皆其爲母之緣所謂荷擔
如來以報在家菩薩合如法受持之衆作無量布施之心爰當
達鍊之辰乃聞曼拏之教演八一函之頓印讚五百卷之正宗
夢幻泡影之觀證六如於六道卯胎濕化之類悟四句於四生

九同無告之孤均鮮有爲之法恒河沙數莫非般若之臺須弥
山上盡是菩提之樹人中最爲第一世界徧滿大千經施無沙
法施無沙本不受不貪之念佛恩如是親恩如是妙難思議
之功慧日大明義天朗耀

金剛經會門榜

在軒

佛在舍衛大城說祇園之九會我念阿僧祇劫度法界之衆主
若有人能於四句受持是故我今以七寶布施惟此經名聖教
之骨髓於斯世作苦海之津梁凡五千一百四三言是真語者
在八百四十萬億佛於意云何快愚目之金篋截疑網之慧劍
剪前心徑拂鷲迷津自姚秦法師三藏之譯文至南唐保大五
年之定本甚爲希有願染欲聞雖見我色求我声諸相悉皆虛
妄然有人誦爲人說其功不可思議現在心即過去心宇宙事
皆已分事圓滿修多羅藏迴向大功德天一切鐵圍摧以金剛
之杵千層黑浪拯於般若之航對水官校錄之辰修沙界曼拏

之會大地獄小地法免箇箇之輪迴後世果前世因使人人之
等覓凡在聽法聞經之際同生千善遠惡之心以此上報四重
恩下濟三塗苦福德勝前福德本不受以不貪如來故名如來
皆悉知而悉見億天歡喜萬聖證明

又

同前

金剛三十二分是經依世津梁如來千百億身到處為人演說
恭惟薄伽梵念此閻浮提因有生念遂有生緣隨處為諸趣惟了
自心即了自性本即是空不可稱不可思議云何住云何降伏
是故四句偈等正當一念起時若胎生卵生濕化生都具知竟
無我見人見眾生見莫作斷常要令处处有此經所謂心心皆
是佛惟汾陽家積善以壽春本結緣為一切眾生散兩度五百
卷因緣會遇前出身今出身後世身善寫受持初分施中分施
後分施成大圓鏡得不退輪是名無量功德天與眾共行菩薩
道松林深處現前重說渴言桂子圓時我等同声讚歎修大曼

擊之法施懺多羅藏之善勳凡在見聞皆生歡喜十住十迴向
合品之之華嚴三藐三菩提證聲之之般若若有出因者俱成
樂國緣惟願慈悲悉令滿足如是如是如是劫之永離鐵圍山善哉
善哉生生同到金剛岸慧珠朗照法寶印明

福善廟設齋門榜

在軒

世界後累劫來皆聖聖之有相功德第一最上惟法施之無邊
是故我佛慈悲普作眾生利益洪惟福善惠此武城為梵監主
坐梵監天受菩薩戒行菩薩道曰賜而賜曰雨而雨欲壽者壽
欲安者安夫何比歲之冬乃有震鄰之警脩羅戰虜我無藕絲
孔之可逃如來影中獨使芭蕉身之不怖五丁里天呼得應一
郡人心都是香蒙恩賜千金上聖之杯結願許七寶浮圖之座
今則豎勝旛於竟地下颺馭於此臺崇示六晝夜大道場禮三億
拜無量塔龍華樹下對彌勒之下生眾法筵中修曼曼之普度
步寒林而悽惻流春澤之渥恩五帝衛壇藹雲於花蓋眾星

流輝輝燄燄於火輪合在宮在廟神祇作難思難議功果報德
如天罔極賽願与月同圓若有見聞皆大歡喜上界中界下界
共成殊勝之緣天和地和民和永保太平之福方靈葆護三宝
印明

水陸會門榜

雪坡

我佛以慈悲故大開弘濟之門齋主修方便心廣設無礙之會
竊有請也其与母之既成造以在庭當無譁於聽命汝等生與
人間世死入餓鬼門貧富貴賤之不同驟寡孤獨之無告作善
作不善皆自取之為仁為不仁出乎尔者自登冥錄誰復人身
精氣無依享祀何在慘之哭声啼夜雨空之飢腹響春雷凍餓
交攻悲酸可想惟尔自鞠自苦夫豈無辜無辜欲求解脫之方
須仗慈悲之力今之夜幸逢勝會宜小心務在近者悅遠者
未不得卑踰尊踰踰感呼朋引類同為一飽之具求適口充腸
罔使匹夫之不獲惟喜康共富無所爭直須成与准新無或自

作弗靖瞻禮慈尊懺悔出离冥府超生稽首皈依同声讚歎今
予告汝不易乃分猷念以相後其有長惡不悛罰及尔身弗可
悔故茲曉示各宜鑒知

祠山朝水陸戒約榜

在軒

告五姓孤魂等蓋聞徧浮搜界在我法中有真君存即此心是
凡曰善男善女同歸大聖大慈相古先民若時有夏惟皇上帝
式遏頑苗既命重黎以絕地天通乃生正佐而佐水土治林澤
醜魅無不若山川鬼神莫不寧生太平死太平福無量壽無量
自經百千億劫誰念一切衆生浩一塵沙洋一宇宙三元甲子
雖若數行乎中二將丁壬無非神在其上以此威猛力為汝解
脫門汝等入邪見林墮無明網黑風漂羅刹可憐命無處逃金
烏繞須弥不与劫同時盡杜陵之骨誰收望帝之魂誰念敵場
勇士浮萍柳絮之無根戰馬將軍野芋閑花之滿地惟有青蠅
弔客那逢白鶴仙人未得出期永為苦趣世尊以慈憫故發廣

大心甘露如來普施法筵香乳焦面聖者悉停地戶泥犁若有見聞同生歡喜我真君人中佛位天下神爺一駕輜軒瑞應夾鍾之二月万官蒼君佩輝臨環玉之千峰如是我此甚為希有今實齋王台道場人演華藏之頓乘設桑門之盛饗重之無盡如見諸佛諸尊會會相逢所謂一時一際汝等必望親日枯木逢春同來聽法此經正好明心見性勿以強陵弱勿以卑踰尊勿起貪嗔勿生憍慢神通具足快瞻聖烈之光清淨法身直證毗盧之果忘心諦聽信受奉行

水陸戒約榜施金剛經懺會

同前

世界無涯佛為度筏人生如夢經是齊竟天推舍城章句之文乃大藏骨髓之要金剛是堅固義般若其智慧名波羅蜜者到彼岸云阿耨多羅乃無上字正等則三藐是正齊則三菩提一切皆是有為四生謂之欲界人人孝道稱菩薩念三不退名摩訶四果猶曰小乘三昧乃為正見不生謂涅槃不死謂解四句偈即

是心一合相皆為縛五眼本為自性六如悉曰假名過去心現在心未來心則是非心人我相衆生相壽者內即非是相恒河沙數非多之多福須彌山比非大之大身不可以三十二相觀不可以千萬億分計直下頓悟為之受行不暫捨謂之持釋迦者能仁牟尼者寂默如者寂然不動來者感而遂通轉輪王即毗盧法身然灯佛是先天真性若能解所說義即應作如是觀汝等從累劫來名微塵衆二毒競起六欲齊施只因一念之差遂使萬般之現隨在苦趣永無出期斯實齋主發廣大心行方便力再持五百卷上報四重恩檀施周圓片誠之懺甚妙甚深華藏海無遮無礙大法延孤魂孤魂諦聽諦聽往昔支解不生歌利之嗔爾時奉行皆動修羅之喜罪業即為消滅功德不可思議勿起狂亂心當思恭敬禮威儀寂靜如遊祇樹之園供養莊嚴好赴伊蒲之饌欽吾付囑是汝因緣

施經齋會戒約榜

在軒

人生死海同歸流浪之中佛功德天廣度沈冥之下能濟法界
虛空界莫如大乘最上乘續座念經冥司聽誦而合掌開藏取
卷閻羅聞說而讚言又昌不過一函法正止云七編當知果報
不可思議何況有人如是布施手卷累一千軸口誦積四萬篇
未嘗得聞是經甚為希有我會實言告汝於意云何汝等來從
地水火風本如夢幻泡影一竟黃梁之夢百年大槐之宮牽絲
刻木作老翁捏目生花成妄境水中有相大濕生小濕生燈外
無形昔子行今子止草頭露不須更頃岩下電一刹那間所謂
六如盡空諸有若人深解所說義於法當作如是觀今宵齋主
代為汾陽公來作祇園會善護念善付囑欽体如來之心若劫
化若濕胎漏及眾生之類每念河沙之浩劫最苦原物之游魂
憫其無告之孤憐其不祀之鬼所以廣為人說大作善緣莊嚴
是名莊嚴表載金剛六典滅度而無滅度利益水陸有情孤奄
孤奄恩幸恩幸勿作人我相勿生嗔恨心如是之經因緣相遇

過此以往機會難逢好乘般若之航速證菩提之果相求相應
誠喜誠歡月白風清共赴給孤之會大隆地厚毋忘施主之恩
佛勸有嚴齋壇在上

水陸戒約榜

在軒

告五姓孤奄等沈冥朽壤幽泉之日久矣蓋聞人生死海業浪
無津佛功德天慈雲普度是故曼曼功德廣修法施因緣汝等
纏宿世冤隋累劫數蔓草蔡骨斷蓬樓魂日悠悠兮幾度秋夜
漫漫而何時且客死異土號為無主孤奄孤魂冤苦冤苦今者
某官當太平世發大慈心為汝仰翻蒼天怜汝不見白日度依
梵律普照法燈拔度一切眾生周徧二千世界酥酪山積甘露
海深孤奄孤奄恩幸恩幸汝等快逢善會頓悟妙因得聞清淨
音觀世音當作歡喜想希有想勿以強凌弱勿以卑踰尊去人
我心誠貪嗔障好乘檀波羅蜜普施無邊即現大將軍身悉令
得雙志心諦聽如法奉行

保安勝會戒約榜

在軒

佛觀衆生如子弘開濟度之門人窮無告曰孤最苦沈冥之路
 是故靈山說法余時地獄停酸咨爾孤奄聽吾弘誓昔在嘉平
 之月廼有毗嵐之風惟我聖王閱于民命佛隨念天隨念皈依
 福善之仁心太平身太平憑藉保安之力荷乾元之密運喜師
 武之凱旋重推兵革以來累有厄屯之數冤冤相報劫劫未終
 妖氣流行鬼魔聚嘯
 箕柝暗幽魂沈痛社鵲啼處血花
 紅塵有出期亦爲苦趣斯宵齋主修崇好事咨謝洪恩禮七寶
 浮屠設一筵法施琉璃滿月現出心灯樓閣諸天結成藏海幾
 年無此境界今日重見威儀有感有悲神通無量無邊功德尔
 等身膏草野骨化楓林柳絮浮萍本無根蒂梨花榆火虛度韶
 華此會難逢其爲希有勿起貪嗔念當生歡喜心合掌聞經安
 心受食從此相輪頂上永息替矣岡之舌當今無盡劫中盡息
 阿脩羅之鬪各宜諦聽如法奉行

惠應廟齋會戒約榜

在軒

沙界群生四大无非假合業身累劫六道不免輪迴是故有滅
 有生皆由自作自受苦海鼓業風之浪稠林翳邪見之塵諸天
 正衆備羅方噴業珠已積罪監難逃彼修有漏之緣須種无應
 之福昔我大乾梵主受戒負禪師修齋勸大王作此當生之
 果悟道然同死在於不殺之心所以入佛位中而能救世間苦
 日賜曰雨有欲必從大札大荒何災不滅若有疫死兵死飢寒
 死皆在悲觀慈觀廣大觀汝等純浩劫殃号无明種長夜漫
 何時日潭影悠二幾度秋月明之韻无依夜飛之螢自照未屬
 輪迴地永无解脫期幸逢八月五日之嘉辰正是千載一時之
 慶會齋王既演金輪科教又崇水陸道場焦回聖者爲汝開明
 灌頂齋師爲汝說法奕二新朝也來億聖万靈依二法筵普度
 孤奄五姓恩幸恩幸難忘難忘今者說驚焉領因緣幸能湖偈句
 即此比丘之飯廣其乾施之仁當生歡喜心共爲皈向処里社

鳴而聖人出咸瞻惠應之光天堂有則君子登速證如來之亮
各宜諦听如法奉行

道峰齋會戒約榜

同前

法界衆生徧虛空界道峰一會是妙高峰凡今大地山河同此
須弥日月在二處皆歸台鏡之中香冥冥不照覆盆之下
幽篁長夜枯木我霜襟袞无繒醫林如障三生石上那知舊日
之精竟五蘊山中寧避尔時之劫數或拔崖而小壑或溢谷以
填坑孤魂孤魂是誰某氏冤苦冤苦无解脫期惟有大菩提是
汝真皈向茲者曇華瑞世善果濟人紫金色之妙身端嚴相好
碧玉峯之顯跡具足神通乘龍到處赴齋筵跨虎如今歸聖境
千石湧月青蓮座之淨空方谷凝煙宝檀香之縹象黃花无非
般若美相即是祥心三千世界而消不皈依百億化身而无逆
利益今宵齋主對揚聖日右效恩天旨靈嶺之真乘敷象筵之
法施甘露如池不竭熱惱轉作清涼酥醃与山俱高之少悉令

痛足汝等當生希有想勿起下劣心洗耳聞經開咽受食推應
山頭月常瞻負照之光猶是夢裏人速證如來之亮慈悲哀閱
信受奉行

五通廟戒約榜

在軒

世間十二類生俱入无餘滅度如來千百億化正為大事因緣
念四大假合之軀有六道輪迴之苦是故靈山一會以濟法界
衆生其間无主之孤最是大慈所閱不有我法亦无出期汝等
從累劫來号无明種心如拷拷本為癡絕之團身似芭蕉那得
堅牢之物不知其故隨在此中征人相顧月如霜髮經草白人
生我何春与夏又見梅黃凶凶不用苦樹木校長作鷓鴣之鬼
誰念梧丘之魂幸逢四月八日之佳辰真是千載一時之慶會
万方百姓朝天下之正神三界衆真痛佛中之上善今夜齋主
作甘嚴海建功德林維此武陽莫如順正神現青銅鏡當年曾
著於靈蹤地據碧玉環此日重具於朝貌揭祥輝於宝盞照幽

塚於黑山大崩解脫之門超度沈冥之路汝等恩幸恩幸志心
志心好須听法聞經便与日光返照金蓮湧地於今所坐道場
鐵樹開花是汝再生時節不違佛勅咸听誓言

大洪山戒約榜

在軒

茫茫沙界苦海无沙渺二塵區業肉橫厉三十六犁泥之獄百
方億鉄圍之山在於業報之中有此輪迴之苦雖然如是豈不
尔思惡是地獄善是天堂一推心造軍有菩薩佛有羅刹本自
性同是以大雄開濟度之方我佛有奉行之教若使十二類得
聞二宝名字即於幾千劫超出万罪中間悲莫悲於孤鳧苦極
苦於幽翅火輪赫一熾焰當空長夜漫二何時益日永為不祀
之鬼未有更生之期汝等異縣他鄉單形隻影或歿軍前陣後
或墮山巔水涯浮萍柳絮之无根野草閑花之兩地襄陽何在
江水空流滄海揚塵桑田幾變凡曰若軍若民之眾皆為大慈
大聖所憐恭惟靈濟祖師住此古隨福地被橫誓鎗戰黑浪之

妖魔建妙香幢仗金剛之正法所至凡飛雷厉如見天崩日明
幸逢斷足之辰共證化身之果慈雲覆処獲湯炉炭之停酸甘
露洒時乳酪醍醐之灌頂兩十殿之公王歡喜上八位之聖賢
降臨二十五万白馬有大神通六七八九道場作諸佛事恩靈
无际利及有情汝等誰可得聞甚為希遇當生慚愧毋得慢橋
卑勿踰尊強无陵弱更相告語好劫機緣悉觀慈觀廣大觀悉
皆超度佛力法力威猛力執不皈依合掌受持志心諦听

薦母水陸戒約榜

在軒

人生死海最苦孤鳧佛功德天莫如法施當來百千万劫所有
一切眾生業浪弥空幽塗長夜是故阿難尊者為見焦面鬼王
啓我釋迦如來普散无遮法食凡飲此醍醐甘露皆脫於劫灰
獲湯汝等号冥漠君本无名字前世因後世果都由自種惡根
新鬼哭舊鬼寃知有誰收枯骨身膏野草血染刀林禍及无辜
橫罹非命兵死飢寒死皆為不犯之人悲觀廣大觀盡是有生

之類不值我佛求无出期斯齊為主運大慈心建平等會依金山之梵律莊嚴八大曼荼羅崇水陸之法筵布施三千世界將此伊蒲饗普及庶務多音者自連為報助勞之德時則地滅宏開解脫之門孝思孝思如是如是茲實難逢之機會以為普度之津梁諸天降臨共輯万靈德聖七日來復茂迎百福千祥浩二維思魏二希有汝等當生歡喜勿起貪嗔母以卑踰尊母以強凌弱志心受食合掌聞經函二冥二盡入普光王之照生二世世勿忘大施主之恩佛勅有嚴齋盟在上

薦妻水陸戒約榜岳祠追

在軒

閻浮世界輪迴生死之途泰山府君後攝人靈之府七十四司之主掌百千万劫之流迁唯是一類之孤魂甚於三途之苦趣業樹无倚凶笑不崩是故金山科教之中所作水陸道場之事起於中饋哀乃下愚發此大慈大悲及於无主无祭汝等是誰氏子本亡是公白骨繫一長照如霜之月黑山寂一未披見日

之雲斯宵齊主尊平等心行方便力念別諸苦之痛發飛鳥走兔之流對林練之小祥修法筵之大會普施死伽河眾現出兜率陀天孤奄孤奄恩幸恩幸乘菩提之妙果證法喜之勝緣凡為東嶽之奄如見西方之聖甚為希有難可尋常當生歡喜心勿起人我見母得橋慢母得食噴靜听海潮音共飽甘露食本尊地滅既推利濟之心今日天堂正好起昇之境

施經齋會普度門榜

在軒

告五姓孤奄等蓋聞我佛眾生同諸善種天堂地獄在一念間惟世尊法界通化之心以中土人身難得之故假使千劫之後里業不忘能救諸苦之時金剛最速菩薩初豈求福德果報自不可思議黃復一函猶免陳昭之罪彌座七遍曾聞法正之功地獄為之停酸冥官為之合掌或寫七部而脫刀林之苦或轉千卷而解鐵丸之憂法師誦終帙而網中者往生層見請一卷而冥間者自脫是以李元一寫數百部回施冥府並進朝以一

分功祝庇陰日泰山府君之庭以此經鬼官不能拘御史大夫
之院以此經聖教之骨髓如是如是善哉善哉汝等位尊劫來
是誰氏子苦樹未拔出關不閉人出徒迂血食元宵長夜漫
何時日悲風蕭瑟愁殺人流散數千命併填於溝壑役徒戎刀
身俱殞於樓船刀山劍樹流血成河瘴雨雲煙積骸盈野彭衙
之魂弗返杜陵之骨誰收異縣他鄉單形隻影永无解脫實可
嗟憐今夜倉王發大慈心施多羅戒離色禽相未嘗有貪著之
思无我无人但欲同受柱之善緣為乃徧溥及二途入大曼荼
羅廣法筵之甘露一切摩尼宝散華藏之香雲此經名字汝當
受持是法平等无有高下勿生人我勿起貪嗔好乘是經速到
彼岸志必諦听歡喜奉行

水陸結界榜

弘勸世尊初无上下虚空劫用戒門自有東西南北既有我強
我界須分一正一邪去處去來如來一仍天王而守護尔為尔

我為我更類穢跡以祛邪道真降臨得無阻滯

浴室榜

在軒

人在塵沙劫最苦沈冥佛說曼荼羅先脩淨業凡我有情等眾
共成無垢因緣好將定水之湛明盡洗愛河之汚染澡身浴德
時中清淨六根合掌志心會下皈依三寶甚為希有咸與維新

又

同前

苦海衆生萬億塵沙之劫祇因大會第一清淨之心如是我聞
甚為希有汝等又以淪五濁遂墮三塗若濕若胎未識大乘之義
不垢不淨欲聞般若之音好將法水灌洒身心來赴佛筵受感
功德收衣洗足如見世尊敷座之時偏袒右肩便如長老合掌
之敬故茲省諭咸使聞知

又

同前

住淨提界誰於苦海回頭生清淨心這是祇園說法汝等業纏
五濁身墮三塗不滅不生未悟空中妙相如泡如影幸聞旨取上

真乘世為希有之逢同赴無遮之會滌心波羅蜜灌耳海潮音
本是法身安有染塵之境還至本處便如洗足之時好沐勝因
勿違慈誓

又

同前

八功德水佛有方石因緣兩男女堂人說青城感應若欲皈依
三寶先須清淨一心汝等從劫濁來生雜染想蕩瑕滌穢每思
脫於迷途滌精滌神皆願登於彼岸濟苦海無邊之黑浪證元
身不壞之金剛六根六塵悟本來之無垢三熏三沐繞到外之
諸香好乘四句偈之誦待便受一字王之灌施各宜自潔告汝
實言

又

同前

人在膠漆盆中無非業障佛說清淨心者有大光明若欲聽法
聞經先要湯瑕滌穢汝等生五濁世為六塵根佛因佛緣昔曾
居於法水善男善女今又洗於恩波好灌洒於身心以受靈於

功德如筏喻者悟種種之旨天浴蘭湯方願人人之感喜勿違
慈誓其證上乘

又

在軒

神洋洋而在上與作衆安樂緣佛浩浩以難思是名八功德水
昔日結成於誓海今朝圓滿於願香爾等為風波民歷塵沙劫
命濁煩惱濁生既隨於泥塗真觀清淨觀身幸逢於灌沐凡而
新鬼舊鬼來此男堂女堂莫教染著舊汚認取本來無垢如來
甘露護湯到如清涼壯士天河兵甲自今洗淨勿違慈旨共集
善功

又

出垢穢身為清淨身正期解脫惟善提水與功德水大矣拔除
況汝等食不充容衣無蔽体永劫漂流於苦海幾回淪溺於愛
河若不洗心何由見佛男女不可同浴母得抑揄禍福只在眼
前當分次第洗却平生煩惱換出新樣精神三沐三熏好共凝

龍來聽法載色載笑會看巨蟒亦生天

薦母浴堂榜

八功德水有資滌濯恩波七寶蓮池自是光明樂地念慈母父
淪於傾折而英魂未測於升沈效伸薦拔之功尤仗拔除之力
溫泉水滑甘露香淨沐浴三薰洗除五濁鴉翻雲翥花冠收束
下堂來鳳舞霞裾桃臉焉然經雨潤欽容見佛肅禮朝王伏願
即此清淨心離却塵濁世慈容穩泛免鼓浪之黑風彼岸先登
觀披雲之白日

茶榜二

高斗南

靈根未孕盡云寒谷深沉異種萌芽便見陽春發艷况是誰藏
牙瓜不妨更展鎗旗其飾秀穎出奇良標特異分乳膏先春之
瑞價重崇林占靈源上苑之魁名高禹世雪既初泛清香已徧
於湘湖銀鼎重烹滋味更傳於江浙今爛柯擁千尋之秀故園
春色恰芳菲借徽江分一滴之清正派源流俱洶湧大家煎點

一任江膏等閑觸開千聖喉咽直下掃清諸方魔孽黃仁不讓
壘素無辭

謂茶為苦以蜜說甜同在一塵孰知正味明公長老以廣長舌
說第一義以清淨眼證不二門應感而現法身隨緣而作佛事
眾狙准菓百鳥嚙花鳴兩耳之松風倒一甌之茗雪三竿紅日
上正熟睡時兩腋清風生不妨仙去

茶榜 華嚴會

香雪一盃別是出塵氣象清風兩腋除牽世昏迷移得蓬萊
小鳳團喚起華嚴大海眾不尋枝葉直見本根繡經居士已悟
萍浮飛霞道童輒效芹獻紫玉甌中素瀉起青蓮座上白毫分
正任麼袞袞時向這裏惺惺地點頭會意佛家何異於仙家信
手拈來道眼增光於法眼

湯榜

熟炙橘皮本分道人家風冷淡濃煎薑粟無三豆菓子三昧精通

何如細辛薑桂而和合衆香更以酥酪醍醐而攪成一味稀稠
得趣中外皆甜亦能殺人活人莫問有毒無毒共惟某人舌端
具眼肘後有方從來冷暖自知直是消滴不滿解空石罅以明
無說無聞普濟堂前便好應時確節幸從三請聊薦一澆管曾
中丘壑道腹壯外物煙霞秀色現前法侶同賜龍臨

又

醴曇雲說蜜味中邊誠為至論政公將橘皮熟炙勿訝太清雖然
飲啜不多蓋是叢林盛禮其人住十大刹說五味禪甘露入心
不落醫家集自醍醐灌頂能除病者膏肓一麾盛四大神州何
曾欠少一口吞二出諸佛不見蹤由味之者有舌無皮知之者
點頰噉唾若有唇乾吻燥一切羣迷欲教為解冰消與渠半呷

又

洞庭秋晚黃金橘飽夜來霜南國春濃綠樹梅肥江上雨不惟
熟炙僧口請美都歸本分品題要在當人斟酌名飛上國德冠

諸方孝者師摸人天眼目叢林自知氣味草木亦仰風聲橫揮
舌本灑翻笑殺行家苦澁驚湖夢冷從教萬壑爭流翠者因濃
且看二山繞郭既動三請聊具一丕仰鼻袋慈同垂老伴

監齋榜

在軒

大雄世尊廣修方便監齋使者各有司存瞻宝宇之勝緣修金
山之法施供為三德六味普供聖子賢運水搬柴之神通咸
歸妙用供佛齋僧之功德昭告真成時乃善因毋違慈誓

文類

弥陀佛上座祝香文

在軒

皈命十方佛長名兩足最勝尊稽首萬春堂又現一身無量壽
惟極樂出界有我等導師四十八願度人為南摩羅刹利三六
萬億同親到剎巍々堂堂是故皈依我今供養雖然惟心淨土
畢竟淨土現前所謂自性弥陀真箇弥陀在上眷我紫雲之勝
境儼然白玉之祥光匪琢匪雕呈天人之妙相難思難議顯日
月之輝容新從老匠手中來都向大檀心上起寸成尺尺成丈

胚胎寸念經編 一生二二生三圓滿一堂功德星回斗轉春將
至月吉辰良歲有成碧玉環中照武凡此同時大衆白蓮花上
見今所坐道場聳動觀瞻歡喜讚歎諸人且道是今日向弥陀
世尊上座一句有何奇特 三株寶樹發心芽一樹生來屬一
家留得二行同一樹元來錦上更添花

遺蘊文

同前

佛海無邊劫中不盡天行已過使者須知維茲大地之衆生均
是兩間之一氣莫非王土里上仁之所居惟尔有神法吾地也
何故如來被弘誓靈鐘音薩作大慈航普濟一切人永離諸苦難
逐赤疫於四裔式隨其行動青陸於千祥自今以始去汝去汝
善哉善哉其聽斯言勿違我法

事支類聚翰墨全書卷之四

程